

TE HEEHURAA API

I neia i te piha neneiraa na te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farane i te matahiti hoê.

Nu. 9.

Setepa 1927.

Mat. 21.

I parau-atoa-hia'tu ai hoi te evanelia i te feia i pohe ra, i faahapahia'tu ai ratou e te taata i te tino ra, te ora ra râ ratou i te Atua i te varua ra. (I Petero 4:6)

Te Faaroo no te Feia Mo'a Mau.

Ua iritihia teie nei parau na roto mai i te buka, Te Faaroo no te Feia Mo'a Mau tei papahia e Tamate; Faaauhia ei reo Tahiti e Ioane Orotona.

*Te faaroo nei matou e, o taua mau faaueraa ra; * * * te toru ra, te baptizoraa ia i raro i te pape ia matara te hara; **

(E tuatiraa teie nei parau.)

Uiraa 15. Ia baptizohia anei te taata e tia'i?

P. E, ua pâpû ia tatou e, ia ore te taata e fanau faahon e ore ia oia e ô i te basileia o te Atua ra. Aita râ tatou i ite i te hoê vahi i roto i te parau a te Atua tei faaite mai e, aita to teie nei ture e mana i nia iho i te taata o tei pohe ra.

Parau tauturu: Tei pohe, o ratou ia ~~o~~ tei ora na i nia ^{out} iho i te ao nei i roto i te huru tahuti; e tei ora nei, ^{out} o ratou ia ~~o~~ tei ore ê â i faahuru-ê-hia ia riro ei tino tahuti ore. E mau tamarii anaé tatou na te Metua. Ua pohe Iesu no tatou atoa, oia hoi, no tei pohe na, no tei pohe i

to'na tau, e ratou o tei pohe i muri mai ia'na ra. Ua haapaohia Iesu ei haava i tei ora e tei pohe ra hoi. (Ohipa 10: 42) E ia tae taua haavaraa ra e riro te taata atoa ei mau taata ora, no te mea e haavahia ratou mai te au i ta ratou ohipa i nia iho i te ao nei. (Luka 20:36,38)

Uiraa 16. Eaha te huru o to te taata varua a pohe ai oia ra?

P. E haere te varua o te taata i paradaiso e vai ai e tae noa'tu i te tia-faahou-raa. Tei ia ratou ra te aroha, te feruriraa, te oaoa e te oto, e tei ia ratou atoa te fariiraa i te Evanelia e aore râ te faarueraa i te reira.

Parau Tauturu: E rave rahi te taata, o tei ora i nia iho i te ao nei i te mau tau poiri, o tei ore i faaroo i te Evanelia, e ua rahi aê te taata o tei ore i haapao i te reira na roto i te baptizoraa. Ua haapii mai te tahi mau haapaoraa e, e tae te varua i te vahi hanahana, e aore râ i hade, mai te au i to'na huru i te taime i pohe ai te taata ra; e faaorehia ta te taata hara mau hara mai te mea e fa'i oia i te reira i mua i to'na orometua; e e pohe roa te taata maitai e e vai oia i roto i hade e a muri noa'tu mai te mea aita *ana* e ravea ia fa'i i ta'na mau hape i nia iho i to'na ra roi pohe. E homa e, hoé ahuru teie i te manaó e, e pohe te mau tamarii rii hara ore, mai te mea aita ratou i pipihia i te pape i raro aé i te rima o te taata faahua mana. E mau manaó hape anaé teie no te mea aita te taata e faautuahia ma te ture ore. (II Nephi 9:25) E farii râ te taata i te utua ia au i ta ratou ohipa, e mai te mea ua hara rii ratou e mea poto ia to ratou tapearaa i roto i te tapearaa ra, ia oti to ratou tatarahaparaa e farii ia ratou i te utua e te hanahana ia au i ta ratou haapaoraa i te mau ture a te Atua.

Uiraa 17. Eaha te ravea e ora ai te taata o tei ore i faaroo i te Evanelia i nia iho te ao nei?

P. E ora ratou na roto i te faaroora i te Evanelia, e to ratou fariiraa i te reira na roto i te fariiraa o te ohipa e i

o ravehia, na ratou, e tei ora nei. E taua ohipa ra, o te baptizoraa ia, e te tuuraa rima, e vetahi atu â mau oroa moá te no tei pohe, i ravehia i roto i te mau hieo o te Atua ra. E

Parau Tauturu: Te na ô maira Petero e, "I parau-atoa-hia'tu ai hoi te evanelia i te feia i pohe ra, i faahapa-hi'atu ai ratou e te taata i te tino ra, te ora ra râ ratou i te Atua i te Varua ra." (I Petero 4:6) Ua haamata-hia taua ohipa ra e Iesu a vai ai to'na tino i roto i te menema, "o ta'na ia i aó atu i te mau varua e vai i roto i te tapearaa i teie nei: o tei ore i faaroo i mutaa ihora, i te faa-oromairaa roa o te Atua a tia ai i te anotau ia Noa ra, i te tarairaa i te pahi ra, i ora'ie toofanu pue taata i te moana, oia hoi na taata toovau ra." (I Petero 3:19-20)

Te vai atura te tahi mau parau faaite tei haapâpû ia tatou e, ua haere Oia i te tahi vahi ê maori râ iô i to'na ra Metua, no te mea ua na ô atura Oia i te taata eiâ e, "Ei paradaiso ia oe e o vau atoa i teie nei â mahana." (Luka 23:39,43) E e toru mahana i muri mai, ua na ô maira Oia ia Maria e, "aore â vau i tae i nia i tau Metua ra," (Ioane 20:17)

Ua tia ia aó atu i te Evanelia i te taata tei pohe i te tau o Noa ra, e no reira e mea tia atoa ia ia aó i te reira i tei pohe i muri mai ia'na ra, no te mea, hoé â to te taata huru i teie nei â ui. (Luka 17:26) Ua faaineinehia te ravea no ratou o tei faaroo i te Evanelia aita râ i farii, e no reira e mea tia atoa ia ora te taata o tei ore i faaroo i te reira. E Atua parau-tia Oia, e e tauturu noa mai Oia i te taata e a muri noa'tu na roto i te horoa-noa-raa ia ratou i te ravea e ora'i ratou atoa; noa'tu e, ua tapeahia ratou i te tapearaa ra, ia oti to ratou taime i reira, e e tatarahapa mau ratou e horoahia ia taua ravea ra ia ratou.

Uiraa 18. Ua ravehia anei te ohipa no tei pohe i mutaa ihora?

P. E, ua ravehia taua ohipa ra. Ahiri e, aita te reira

i ravehia eaha ihora Paulo i parau mai ai e, "Aore râ, eaha ihora te feia i baptizohia no te feia i pohe ra, ia ore roa te feia i pohe ra ia tia faahou? Eaha ihora ratou i baptizohia'i no tei pohe ra?" Te parau maira Paulo no te tia-faahou-raa i taua taime ra, e ua manaó oia e, ua maramarama te auraa no te reira, no te mea te rave ra ratou i taua ohipa ra i to'na ra anotau. Ahiri e, aita ta'na mau pipi i ite i te auraa i te reira ua haamaramarama atura oia ia ratou.

Uiraa 19. Ua faahoíhia mai anei taua ohipa ra i teie nei anotau?

P. E, ua faahoíhia mai te reira ia Iosepha Semitara Olive Taudere i te 3 no Eperela i te m. 1836.

Parau Tauturu: Ua faaite pápû mai Malaki ia tatou e, e faahoíhia mai te reira ohipa i te tau hopea nei, "Inaha, e tono na vau i te peropheta ra ia Elia ia outou na, a tae atu ai i taua mahana rahi mataú o Iehova ra; ia faafariu oia i te aau o te mau metua e te tamarii, e te aau o te tamarii e to ratou mau metua, o te haere mai hoi au, e o te tairi i te fenua nei i te ino." (Malaki 4:5,6) Te manaó nei te tahi pae o te mau taata e, o Ioane Baptizo ia te taata o tei faa'i i taua parau nei. Aita râ tatou i ite ia Elia i te fâraa mai ia'na, maori râ ua tauturu to'na varua ia Ioane; e ere atoa ia ta'na ohipa no te faafariuraa i te aau o te tamarii e te mau metua. A taió i te Ioane 1:21.

I roto i te hoé orama hanahana i roto i te hielio i Ketelani i te 3 no Eperela i te m. 1836, ua fâ maira Eliaha, oia Elia i parauhia i roto i te Bibilia nei, i te na ôraa e, "Inaha, ua tae tia mai te tau, tei parauhia e te vaha o Eliaha, o tei faaite maira e, e tonohia mai oia ra (o Eliaha) hou te riáriá a te Fatu, ia faafariu mai te mau aau o te mau metua i ta ratou mau tamarii, e te mau aau o te mau tamarii i to ratou mau metua, * * No reira, ua horoahia mai ~~at~~ te mau taviri, i roto i to orua pue rima, no teie nei ohipa." (Buka Fafau 110:13-16)

(Tuatihia teie nei parau.)

no teie nei parau
taua
ia ite outou e
te fatale meui nei
te mahana rahi
riaria a te Fatu

Tei Haapao e Haere Īa i Mua

No roto mai i te Mau A'oraa a Biritama Youne

E RAVE RAHI te mau parau tumu maitai, ia aó atu, aita râ vau i ite i te hoé tei hau aé i te parau mau i te parau a Iesu o tei na ô mai e, "Ia hinaaro mai te taata ia'ura, e haapao Īa i ta'u parau." (Ioane 14:23)

Eaha ra te maoro? No te hoé anaé mahana? E haapao anei i te parau a te Atua i te hoé anaé hepedoma? E haapao e e rave anei i to'na hinaaro i te hoé anaé matahiti? Aita vau i ite i te hoé faufaa i fafauhia maira o tei faaite mai ia tatou e, e farii te taata i te utua no te feia parau-tia, maori râ e haapao ratou e tae noa'tu i te hopea ra. Ia ite, e ia haapao maite tatou i taua parau nei, e ineinehia Īa tatou no te hoíraa'tu i te aro o te Atua raua te Tamaiti e noho ai.

Eaha ra ta'na ture? Ua haapii mai anei oia i te ino e te parau hape i te taata? A taió ai tatou i te mau peu ta Iesu, e te Atua, e aore râ te hoé vea no te raí mai, i faaite i te taata ia haapao, aita Īa tatou e ite i te hoé mea tei faa-ino i te taata e aore râ tei haapohe i te varua o te mau tamarīi a Adamu raua Eva. E rave rahi te mau taata tei manaó e, ua ino te tahi mau peu e te tahi mau parau, a te tahi mau peropheta tahito, e no teie nei anotau atoa hoi, o tei haapaohia na roto i te faaueraa a te Atua. Ua manaó ratou i te reira no to ratou ite ore, no te mea e haapaohia to te Atua mau hinaaro e to'na mau peu no te haamaitairaa i ta'ua ra mau tamarīi. Ua máua te pae rahi no te mau taata i nia iho i te ao nei i te tumu no to ratou oraraa i nia hoi teie nei ao. Te imi nei ratou i te ravea e hunahia'i ratou i roto i to ratou máua e to ratou poiri, ia ore ratou e haapii ai i taua tumu ra.

Eaha ta te mau taata'toa i ite no te Atua, e aore râ no Iesu, e aore râ no te parau ta'u i taió iho nei, oia hoi, "Ia hinaaro mai te taata ia'u ra e haapao ia i ta'u parau." Te na ô faahou maira Iesu e, "Te imi nei outou i te parau i papaihia ra, no te mea te manaó na outou e roaa te ora mure ore i reira; o te faaite ia ia'u o taua mau parau ra." (Ioane 5:39) Te faaite iho â ia taua parau ra i te Faaora, e to'na Evanelia, e te mau peu atoa i ravehia i roto i to'na utuafare; ua faaitehia mai te ravea e ora'i te taata i roto i te reira, e ia haapao te taata i taua mau parau atoa ra, e ora ia oia no roto mai i ta'na mau hape e e ite ia oia, na roto i te Varua Maitai, o Iesu ia te Mesia. Na roto atoa i to tatou haapaoraa e nehenehe ia tatou ia pahono i te uiraa e, O vai tatou? No te mea ua faaite mai te parau papai i te huru no to tatou oraraa e te i'oa no to tatou na metua matamua, oia hoi Adamu raua Eva, e te hanahana e noaa ia tatou na roto i to tatou tiaturiraa Ia'na. E na roto anaé i to tatou haapaoraa e amui â tatou i to tatou ite i te mau mea no te tau a muri 'tu, e te mau mea ta tatou e rave i reira.

Ia aóhia te evanelia i te feia parau-tia e farii ia ratou i te reira no to ratou faaroo, area râ no te haapaoraa i te reira ia rave ratou i te ohipa e tia'i. Na roto anaé i te ho-roaraa i te taime, e te faaroo, e te here o te aau, e te raveraa i te ohipa maitai rahi, e haapaohia te mau ture no te Evanelia. Teie râ te hopea no te tahi mau taata, no te mea e faaroo to ratou, aita râ ratou i mau maite i te ohipa e te haapaoraa i te Evanelia e no reira i haamata ai te faaroo ore e te tiaturi ore i roto i to ratou aau e e taiva ê atu ia ratou i rapae i te here o te Fatu.

Te faaroo nei au e, o hade ia, ia tamata te taata i te mau i te parau mau i te rima hoé, e te parau haavare i te

tahi rima; ia faahua oia i te haere na te haapao i te mau faaueraa a te Fatu, e i taua taime ihora amui oia i rotopu i te taata iino.

O ratou atoa o te ora ê â muri noa'tu, e ora ia ratou no to ratou faaroo i te Atua e te haapaoraa i te mau ture ta'na i tuu mai. Aita anei tatou i ite i te tahiravea? Aita roa'tu.

E faateiteihia te Feia moá atoa o te haapao i to ratou faaroo, no te mea, eita ia ratou e patoi i te hoé heheuraa ta te Atua i tuu mai e aore râ Ta'na e tuu mai, e ia ite ratou i te parau paari e aita ratou i ite i te auraa no te reira, e parau mai ia ratou e, "Ua tuu mai te Atua i teie nei parau ia'u nei, e te pure atu nei au ia tauturu mai Oia ia'u ia ore au ia patoi i te hoé mea No'na ra, e ia horoa mai Oia ia'u i te faaoromai e tae noa'tu i te taime e nehenehe ai ia'u ia ite i teie nei parau paari."

Na roto i to te taata haapaoraa i te mau ture e faahanahana ratou i te Atua, ia ore râ ratou e haapao, eita ia ratou e iriti mai i te hoé vahi iti no To'na hanahana, e To'na ra mana. Ua horoahia mai te mau ture a te Atua ei maitai no tatou, e ia haapao tatou i te reira e ite ia tatou i te mau manaó o te Atua no to tatou oraraa nei.

— *Faaauhia ei re'o Tahiti e Elita*

E Pure Mau Anei Tatou?

"E ANI RA oia ma te faaroo, eiaha e feaa o te feaa ra, e au ia i te aru miti i patuhia e te mataí e fetoitoi aéra." (Iakobo 1:6)

Ia taió tatou i taua parau nei, e tae ia to tatou mau manaó i nia iho i te pure. Ia hinaaro tatou i te mau haamaitairaa, no ô mai i te Atua ra, ia ani ia tatou Ia'na ma te

faaroo e te feaa ore e tia'i. Eiaha tatou e manaó e, e mea tia ia ani tatou Ia'na no te mau mea atoa ra, noa'tu to tatou hinaaro. Eiaha atoa tatou e manaó e, e mea tia ia ani atu Ia'na no te mau mea tei au ore ia tatou nei, e ani râ no te mau mea ia faariro ia tatou ei feia maitatai i nia iho i te fenua nei.

A hiópoa tatou i te mana o te taata nei. Na vai i faatupu te mau raau atoa nei? Na vai i horoa mai te mau mea nehenehe o te vai e a muri noa'tu? Na vai i horoa mai te mau pereoo e te mau pahi e tera mau mea huru rau?

Tera mai te pahonora: na te Atua i horoa mai taua mau mea'toa ra, na roto i ta'na faatupu-noa-raa i te ite i roto i te taata nei. Area râ e riro te taata ei mea mana ore, maori râ e tauturuhia oia e te Atua. Oia mau, ua riro oia mai te repo te huru, no te mea no te repo mai oia e ua vai noa oia mai te reira te huru ahiri e, aita Tei Hamani i aroha mai ia'na.

E teie nei, a haamanaó tatou i to tatou tufaa. E faatura Ia'na ma te pure mau, ma te aa haehaa e te feaa ore, a faaite tatou Ia'na i to tatou mauuru na roto i te haapaoraa i Ta'na ra mau faaueraa i tuuhia mai ia tatou nei.

Mai te mea e, e pure tatou ma te varua o te pure, mai ta Iesu i haapii mai i ta'na ra mau pipi, (Mataio 6:5-8) e riro ia tatou ei feia haamaitai-roa-hia. Ua haapii-atoa-hia taua huru pure ra i roto i te Buka a Moromona i te Moroni 7:4-9.

“E teie nei, e au mau taeae, te parau nei au i tana mau mea ra ia outou no to outou haereraa hau i rotopu i te tamarii a te taata nei;

“Te haamanaó nei hoi au i ta te Atua ra paran, o te na ô maira e, E ite outou ia ratou i ta ratou ohipa; ia maitai hoi ta ratou ra ohipa, e maitai atoa ia ratou ra.

Inaha hoi, ua oti i te parauhia e te Atua e, O te taata ino noa'i, aore i tia ia'na i te rave i te mea maitai ra; ia

hopoi hoi oia i te mea horoa noa e ia pure hoi oia i te Atua ma te manaó ore, e ore oia e faufaahia e hoé iti aé.

“Inaha hoi, aita’tura ia te reira e haapaohia ei parautia na’na ra.

“Inaha hoi, ia hopoi mai te taata ino i te mea horoa noa ra, ua na reira mai oia ma te nounou; no reira ua haapaohia atura ia na’na mai te mea e ua tapea-mau-hia e ana; no reira ua haapaohia’tu ia taua taata ra ei mea ino i mua i te Atua.

“E ua na reira atoa i te haapaohia ei mea ino na te taata ia pure oia ma te hinaaro ore i roto i to’na aau; aore atoa oia e faufaahia e hoé iti aé i te reira; aita hoi te Atua e ite i te taata mai te reira te huru.”

No reira e homa, a hiópoa tatou ia tatou iho ia imi maite tatou i te parautia na roto i te tiaturiraa i to tatou Fatu i te ao ra.

—Papaihia e Toma



MAU TAMARII IAPONE

Te Mau Parau Apî

Ua fatata te oé i te tae i nia iho i te fenna ra i Iapone i teie matahiti. I roto i te avae Tiunu i te mau matahiti atoa ua topa maitai te ua rahi i nia iho i te fenua, i teie matahiti râ aita te reira ua i topa maitai e no reira aita te maa i tupu maitai, e ua fatata i te pau ta ratou maa haapuehia.

I te hopea o te avae Tiurai, ua pohe Jack Sharkey ia Jack Dempsey i roto i te hoé motoraa rahi roa. Te feruri nei o Tex Rickard, oia te taata faatere no te mau motoraa rahi, i nia iho i te motoraa rahi roa e faaterehia i te oire Chicago i ropu ia Jack Dempsey raua Gene Tunney i te 22 no Setepa. Ua pohe Jack ia Gene i te matahiti i mairi aénei, e no reira e faaterehia teie motoraa ia tamata Jack i te haru faahou i te rê no te reira. Ua manaóhia e te mau taata paari e, e horoahia e hoé milioni dara (moni Marike) ia Gene e i nia aé i te afa milioni dara ia Jack no taua motoraa nei.

Ua horoahia te hoé tiaraa teitei roa ia Lindbergh, o tei maue, i roto i to'na pahi reva, mai te fenua Marike e tae roa'tu i te fenua Farani. Ua fariihia oia i roto i te hoé pûpû paari o National Aeronautical Association ia te i'oa; e iva noa iho taata tei roto i taua pûpû ra, e te haapii noa ra ratou i te mau parau paari e te hohonu no te pahi reva. Ua horoahia te hoé tapao i parauhia i te Hubbard Medal ia'na. Ua riro taua tapao ra ei faaiteraa e, o oia iho â ia te taata matamua o tei maue i nia aé i te moana na taua eá ra. Ua horoahia taua huru tapao ra i te mau taata matamua o tei tae i te mau vahi atea na te ravea apî, e aore râ i te mau vahi itea-apî-hia i teie nei anotau.

I te oire New York i te fenua Marike, e faatiahia te hoé pare 110 tahua to roto. O Larkin Tower to'na i'oa. E pau e 25 milioni dara i taua paturaa ra. E tae ia te reira e hoé tausani e piti hanere avae i nia, e e oti te reira na mua i te hopea o te m. 1928.

Te opua nei te hoé taata, o Fred W. Yenney te i'oa, i te tere i roto i te vaa iri puaa, mai Nome Alaska e tae roa atu i te oire ra o Seattle i te fenua Marite, e 3500 maile te atea. Te opua nei oia i taua tere ra ia haru i te rê no te tere roaroa i roto i te vaa i nia iho i te moana.

Ua tae te hoé ruáu vahine i te oire ra i Melbourne, Australia. E vaú ahuru ia to'na matahiti, area râ e mea itoitaitai to'na tino, e ia hió te mau taata ia'na ua manaó ratou e, e pae ahuru anaé matahiti to'na. Ua taati oia i te ao atoa nei e 32 taime, e ua tae oia i te mau vahi maitai o te ao nei. Ua haamata oia i to'na mau tere i te 13 no to'na matahiti, e i te matahiti 1926 ua tere oia e 50 tausani maile na nia i te moana e e 10 tausani na nia i te fenua.

Te opua nei te hoé taata Farani i te tere roaroa i roto i to'na vaa i nia iho i te mau anavai. E haere oia i te fenua Marike Apatoa e i reira e hamata ai oia i to'na tere na te mau anavai rahi. E haamata oia i to'na tere i nia iho i te anavai ra o Rio Desagadero, e ia tae oia i te hoé vahi fatata i te anavai ra o Rio Solimoes, e hoé maile te atea i ropu i taua na anavai ra, ei reira e rave oia i to'na vaa e afai atu i taua anavai nei. Mai taua vahi ra e tere oia na te anavai ra o Amazon, e te Rio Aruguaya e tae roa'tu i Argentine. Aita e tae pinepine te taata i taua mau vahi ra. E hitu tausani e pae hanere maile ia te atea o taua tere nei na nia i te mau anavai ra.

I roto i te oire ra o London, oia hoi te oire rahi no te fenua Baratane, ua haahauáhia e 40 milioni dara i te matahiti 1926, i te ohipa mutoi. E rave rahi roa te mau taata i roto i taua oire ra, e no reira i faarahihia te mau mutoi, te rave nei 19,869 taata i taua ohipa ra i roto i taua oire rahi ra.

Ua faaterehia te hoé hororaa roaroa (marathon) i te fenua Marike. Na te mau taata inidia taua hororaa ra. Ua horo ratou mai te oire ra i San Farancisco e tae roa'tu i te oire ra i Grants Pass, e maha hanere e vaú ahuru maile te atea. Ua riro te rê i te hoé taata inibia, o Ioane Mad Bull to'na i'oa, no to'na hororaa i taua atea ra, i roto i na mahana e hitu e te afa.



NA TAATA RAHI INIDIA I ROTO I TE
EKALÉSIA "MOMONI."

Aima G. Burton Imprimeur,
Rue Brea et de la rue Dumont d'Urville, Orovini, Papeete